



Leikskólinn Vinaminni
Asparfelli 10-12
s: 587-0977
vinaminni@vinaminni.is
www.vinaminni.is

Þjónustuskilmálar

Leikskólinn Vinaminni er sjálfstæður leikskóli með börn á aldrinum 1 árs til 6 ára og er með rekstrarleyfi og þjónustusamning við Reykjavíkurborg varðandi framlag og innritun barna í leikskóla.

Þjónustuskilmálar leikskólans Vinaminni gilda um umsókn og innritun í leikskólann Vinaminni og um gjaldtöku og innheimtu fyrir leikskóladvöl í leikskólanum. Foreldrar teljast þeir sem fara með forsjá barns í skilningi barnalaga. Um hlutverk, samstarf og verkaskiptingu foreldra og forsjáraðila í einstökum tilvikum gilda ákvæði barnalaga og annarra sérлага eftir því sem við á.

Opnunartími

Opnunartími, skipulagsdagar og sumarleyfi leikskóla

Almennur opnunartími leikskólans Vinaminni er frá kl. 07:30 til 16:30. Ekki er hægt að skrá börn í dvöl seinna en kl. 08:45 að morgni. Dvalartími barna getur verið mismunandi eftir dögum, frá sex til að hámarki níu klukkustundum daglega en þó að lágmarki 30 klukkustundir og að hámarki 42,5 klukkustundir innan vikunnar frá mánudegi til föstudags. Öll börn taka þátt í þeim máltíðum sem falla innan dvalartíma þeirra. Leikskólinn er gjaldfrjálss ef dvalarstundir eru 36 klukkustundir eða færri á viku en ávallt er greitt fæðisgjald og Vinaminnisgjald, sjá nánar í kaflanum Gjaldtaka.

Leikskólinn Vinaminni er lokaður tvo daga á ári vegna skipulagsdaga starfsfólks. Einn dagur í upphafi skólaárs og einn dagur í mars.

Leikskólinn Vinaminni er lokaður á aðfangadag og gamlársgang.

Leikskólinn Vinaminni er að jafnaði lokaður í júlí ár hvert.

Gefið er út leikskóladagatal fyrir hvert skólaár og er aðgengilegt á heimasíðu leikskólans, vinaminni.is.

Innritun

Umsókn og innritun

Umsókn fer fram í gegnum rafræna skráningarkerfið Völu – umsokn.vala.is. Hægt er að fá aðstoð við að fylla út rafræna umsókn um leikskóladvöl frá Leikskólastjóra Vinaminni með því að senda póst á vinaminni@vinaminni.is eða hafa samband í síma 587-0977.

Sækja má um leikskólalátt frá fæðingardegi barns eða strax og kennitala þess hefur verið skráð. Börn birtast á biðlista við 6 mánaða aldur. Foreldrar þurfa að sækja um að lágmarki tvo leikskóla og að hámarki sjö fyrir barn sitt. Þegar sótt er um flutning á milli leikskóla innan Reykjavíkur er heimilt að sækja um einn eða fleiri leikskóla.

Þegar sótt hefur verið um leikskóladvöl fá foreldrar staðfestingu um að umsókn hafi verið móttækin.

Frá og með aðalinnritunardegi leikskóla að vori, sem auglýstur er á heimasíðu Reykjavíkurborgar, www.reykjavik.is, er ekki unnið úr nýjum umsóknum og flutningsumsóknum í allt að 30 virka daga á meðan unnið er úr fyrirliggjandi umsóknum um leikskóla eins og þær standa á aðalinnritunardegi. Ekki er unnt að gera breytingar á umsóknum á þessu tímabili.

Ákvörðun um fjölda barna í leikskólanum Vinaminni tekur mið af samsetningu barnahópsins, dvalartíma barna dag hvern, aldri þeirra og þörfum, samsetningu starfsmannahóps, húsnæðis og umfangi sérfræðipjónustu.

Börnum er úthlutað leikskólaplássi inn á deildir eftir aldri, elsta barnið fyrst, til samræmis við aldursviðmið viðkomandi deildar og ákvörðun um fjölda barna í leikskólanum.

Losni leikskólapláss á tímabilinu frá 1. nóvember til 1. mars er heimilt að taka inn elsta barn á samsvarandi aldri við aldursbil barna á viðkomandi deild.

Barn sem á systkini í Vinaminni nýtur systkinatillits vegna systkinis með sömu lögheimilistengsl svo framarlega að því barni sem er fyrir framan það á biðlista býðst rými í einum af þeim leikskólum sem foreldrar hafa valið.

Skilyrði fyrir leikskóladvöl

Skilyrði fyrir leikskóladvöl barns er að lögheimili þess (skv. þjóðskrá) og föst búseta sé á Íslandi og að foreldrar barnsins séu ekki í vanskilum vegna leikskólagjalda.

Úthlutun leikskólaplássa, dvalarsamningur og uppsögn

Börn hefja að jafnaði leikskólagöngu á tímabilinu ágúst – september. Úthlutun leikskólaplássa fer einkum fram á tímabilinu mars - júní og eru foreldrar hvattir til þess að sækja um fyrir lok febrúar ár hvert.

Börnum er úthlutað leikskólaplássi inn á deildir eftir aldri, elsta barnið fyrst, til samræmis við aldursviðmið viðkomandi deildar og ákvörðun um fjölda barna í leikskólanum. Foreldrar fá sent bréf þegar barn þeirra hefur fengið inngöngu í leikskólann og skulu þeir staðfesta að þeir þiggi leikskólaplássið innan fimm daga frá dagsetningu bréfsins. Hafi ekki borist staðfesting frá foreldrum innan tilskilins frests er barnið tekið af lista og öðru barni boðið plássið.

Leikskólastjóri tilkynnir foreldrum hvenær barnið getur hafið leikskólagöngu, eigi síðar en fjórum vikum áður en leikskóladvöl hefst. Þiggi foreldrar ekki leikskólaplássið strax gefst þeim kostur á að halda því í allt að fjórar vikur svo fremi að greitt sé fyrir það.

Áður en leikskóladvöl hefst gerir leikskólinn Vinaminni og foreldrar með sér dvalarsamning. Með undirritun sinni staðfesta foreldrar að þeir hafi kynnt sér gjaldskrá og þjónustuskilmála leikskólans og skuldbinda sig til þess að hlíta þeim eins og þeir eru á hverjum tíma.

Gagnkvæmur uppsagnarfrestur á dvalarsamningi er einn mánuður hið minnsta og skal uppsögn miðast við 1. eða 15. hvers mánaðar. Uppsögn dvalarsamnings skal vera skrifleg og send til leikskólastjóra ásamt því að fara fram í gegnum umsokn.vala.is. Hið sama gildir um breytingar á dvalarsamningi.

Gjaldtaka

Leikskólagjöld samanstanda af námsgjaldi, fæðisgjaldi og Vinaminnisgjaldi. Foreldrar greiða hluta kostnaðar í hlutfalli við þann tíma sem börn þeirra dvelja í leikskólanum. Ekkert námsgjald er greitt ef barn er skráð í 36 klukkustundir eða færri á viku í leikskólanum. Ávallt er greitt fæðisgjald og Vinaminnisgjald.

Fjárhæð námsgjalds, fæðisgjalds, Vinaminnisgjalds og afsláttá á hverjum tíma er samkvæmt gjaldskrá leikskólans Vinaminni eins og hún er birt á heimasíðu leiksólans, www.vinaminni.is.

Námsgjald er háð dvalartíma barns. Semja þarf um dvalartíma við leikskólastjóra hverju sinni og sótt er um breyttan dvalartíma í gegnum umsokn.vala.is. Breyting á dvalartíma miðast við mánaðamót.

Samkvæmt þjónustusamningi Reykjavíkurborgar við sjálfstætt starfandi leikskóla miðast leikskólagjald í sjálfstætt starfandi leikskóla við gjaldskrá leikskóla Reykjavíkur, margfaldað með 1,15 fyrir 18 mánaða börn og eldri og 2,15 fyrir börn í ungubarnaleikskólum eða ungubarnadeildum.

Foreldrar eru ábyrgir fyrir greiðslu leikskólagjalda.

Gjaldskráin er sett í samræmi við gjaldskrá sveitarfélaga og getur breyst án fyrirvara.

Almennt er horft til þess að afslættir fyrir foreldra barna búsett í öðru sveitarfélagi en Reykjavík, eru í samræmi við afslætti í lögheimilissveitarfélagi þess, þar sem lögheimilissveitarfélag barns veitir niðurgreiðslu vegna skólagöngu þess í leikskóla.

Leikskólinn Vinaminni er lokaður tvo daga á ári vegna skipulagsdaga. Einn dagur í upphafi skólaárs og einn dagur í mars. Leikskólagjöld lækka ekki vegna þessa.

Leikskólinn Vinaminni er lokaður á aðfangadag og gamlársgjöld lækka ekki vegna þessa.

Leikskólagjöld eru innheimt 11 mánuði á ári. Ekki eru innheint leikskólagjöld þann mánuð sem leikskólinn er lokaður vegna sumarleyfa.

Afslættir af leikskólagjöldum

Afsláttur er veittur, að öllum skilyrðum uppfylltum, til þess foreldris sem hefur sama lögheimili og lögheimilistengsl og barn á leikskóla. Ef um er að ræða systkinaafslátt barna í skiptri búsetu foreldra lækka gjöld þess foreldris sem greiðir gjöldin.

Afsláttur er ekki veittur afturvirkur og miðast hann við dagsetningu umsóknar í Völu og þann dag sem öllum skilyrðum er fullnægt ef svo er ekki á umsóknardegi.

Afslættir leggjast ekki saman. Afsláttur er veittur sem leiðir til mestrar lækkunar gjalda.

Afsláttur sem er veittur á grundvelli rangra eða villandi upplýsinga er endurkræfur samkvæmt almennum reglum kröfuréttar og verða hlutaðeigandi krafðir um mismuninn.

Tekjutengdur afsláttur

Veittur er afsláttur af námsgjaldi til foreldra undir ákveðnum tekjuviðmiðum gegn umsókn og að uppfylltum skilyrðum samkvæmt viðkomandi sveitarfélags sem barn á lögheimili í. Afsláttur nær ekki til fæðisgjalda eða Vinaminnisgjalda.

Systkinaafsláttur

Ef tvö systkini eða fleiri eru í vistun í leiksólanum er veittur 100% afsláttur af námsgjaldi fyrir sama fjölda dvalarstunda yngra/yngrsta barnsins fyrir eldra/eldri systkini sem eru með sama lögheimili og lögheimilistengsl í þjóðskrá og yngra systkini. Foreldrar skulu alltaf greiða gjald vegna yngsta barns. Foreldrar greiða fullt fæðisgjald og Vinaminnisgjald fyrir barn sitt. Ef þrjú systkini eða fleiri sem eru með sama lögheimili og lögheimilistengsl í þjóðskrá greiða foreldrar fæðisgjald og Vinaminnisgjald fyrir tvö börn. Foreldrar skulu alltaf greiða gjald vegna yngstu barnanna en afsláttur er veittur af gjaldi eldra barns/barna.

Innheimta leikskólagjalda, vanskil og uppsögn dvalarsamnings

Leikskólagjöld eru greidd með kröfu í heimabanka.

Gjalddagi er 1. hvers mánaðar og eindagi 6 dögum síðar.

Leikskólagjöld eru innheimt mánaðarlega fyrirfram. Leikskólagjöld eru ekki innheimt þann tíma sem leikskólinn er lokaður vegna sumarleyfa.

Ef barn fer í sumarfrí á öðrum tíma en á sumarleyfistíma leikskóla falla leikskólagjöld ekki niður. Sumarleyfistími leikskóla er frá 15. maí til 15. september ár hvert. Leikskólinn er að jafnaði lokaður í júlí ár hvert.

Uppsögn leikskóladvalar og verklag vegna vanskila foreldra

Séu leikskólagjöld enn ógreidd fimmtán dögum eftir eindaga fær greiðandi sent ítrekunarbréf. Auk dráttarvaxta sem reiknast af höfuðstól kröfu frá gjalddaga fram að greiðsludegi, sé krafa greidd eftir eindaga, bætist við kostnaður við útsendingu ítrekunarbréfa og innheimtu á greiðanda.

Leikskólinn Vinaminni áskilur sér rétt til þess að segja upp dvalarsamningi barna foreldra hafi greiðsla ekki borist 30 dögum frá gjalddaga eða ekki hefur verið samið um eða staðið við greiðslusamkomulag. Uppsögn miðast við mánaðamót og er uppsagnarfrestur einn mánuður.

Þjónustuskilmálar leikskólans Vinaminni taka gildi 1. apríl 2026